

schläfflegt/ so vertreibts das drittägig fie-  
ber: gleichfals stelletts auch das Blüt als  
bald/ also vbergeschlagen/ verhindert letst-  
lich auch die entzündung/ beyde in wunden  
vnd in schäden.

Von dem Hirn etlicher Thier.

Das Hasenhirn ist sehr nutzlich / wie das  
die alten durch die erfahrung bezeugen:  
Dann so man den Kindern die zän / vnd  
das entzündet zänfleisch damit reibe/ wach-  
sen ihm die zän gar bald. Gleichfals so et-  
wan einer bald erschrickt ohn beandelicher  
vrsachen/ bringt es ihn bald / so er offte das  
von ißset/ widerumb zu recht/ vnd macht in  
gewiß vnd fest inn seinen gedanken. So  
hab ich/ wie Plinius von der Arzney gelehrt  
hat/ mehr dann dreißsig Knäblin/ vnd mäg-  
dlin an dem oberflüssigen vnd vnempfind-  
lichen fließen des harns geholffen/ vñ inen  
nichts anders/ dann zu abents so sie schlaf-  
fen haben wollen gehn/ ab disem hirn  
inn rottem Wein zutrincken  
geben.

Von